

Protocol no. 71Sezzüda da lündeschdi, als 18 lügl 201319.00 - 23.00

Preschaints: Albert Mayer, Andri Poo, Men Caviezel, Dumeng Jann, Marianne Werro-Lehmann e Marco Fallet (protocol)

Protocol

Il protocol no. 70 da la sezzüda da gövgia, als, 11 lügl 2013 vain approvà.

640 021 FABRICA
Peter R. Berry dr. med.; bain Zuort, refabricaziun ed ingrandimaint da l'annex dal tablà vers la costa

La cumischiun da fabrica ha examinà la dumonda e tuotta documainta ais avantman. Sün proposta da la cumischiun decid'il Cussagl da till'inoltrar in sen positiv a l'uffizi chantunal a Cuaira pel proceder dal BAB.

641 942.503 Stabilimaints possess da finanzas
Object agentura da Posta / TESSVM

Contrat da collavuraziun cul Engadin/Scuol Turissem SA (ESTAG) / TESSVM

Quel vain repassà ed il Cussagl til chatt'in uorden. I vain amo scleri, schi bsögn'ev. adattamaints in vist'a la nouva situaziun previssa cull'agentura da Posta.

Il Cussagl discut'eir supr'il contrat resp. incumbensa da prestaziun e d'organisaziun cull'agiunta tanter il cumün e Sent Turissem. Quella sto gnir surelavurada ed actualisada. Davo cha Sent Turissem as rechatt'illas localitats da la Posta til mett'il Cussagl a disposiziun per salvar sias sezzüdas la stanza illa chasa Misoch, quai our da motivs da spazi.

A chaschun da la discussiun dals 2 lügl 2013 tanter rapreschantants dal Cussagl cumünal e da "Sent Turissem" d'eira gnü discurrü, cha Sent Turissem tegn'inavant las localitats da Schigliana e tillas fitta via lura a la Grotta da cultura. Sent Turissem as dess contactar culs respunsabels da la Grotta da cultura per tils suottametter ün'offert'a regard il fit.

Il sustegn annual a la Grotta da cultura dess gnir mantgnü davart dal cumün (fr. 5'000.00).

Davart dal TESSVM ais gnü suottamiss seguaint proceder previs:

- Planisaziun dal proget; seguonda mità – mais lügl (subit)
- Planisaziun in detagl e postaziun da las prestaziuns/inventars; prüm'eivna da l'avuost.
- Inscriziun dal stabilimaint (Posta Immo – Cumün da Sent) 26 avuost
- Fasa da fabrica; tuot il mais november
- Cumanzamaint da la gestiun / 2. mità november (30.11.)

Il Cussagl decida d'infuormar lasupra a Sent Turissem, a la Grotta da cultura ed al TESSVM in sen dal surmanzunà.

642 942.423.11 Oters fits da stabilimaints da finanzas
Nouv contrat culla Swisscom / fit antenna sül clucher

Il vicecapo, Andri Poo, infuormescha. La Swisscom suottamett'ün nouv contrat, chi'd ais gnü bsögnaivel in basa da la nouva ledscha chantunala. Il fit annual importa nouv fr. 4'000.00, dimena considerablemaing daplü sco fin da qua.

643 2 SCOLAZIUN
Müdamaint da la ledscha da scoula; nouvs contrats da lavur
pella magistraglia

Il vicecapo, Andri Poo infuormesch'in fatschenda. La nouva ledscha va in vigur sül principi dal nouv on da scoula 2013/14. Ils nouvs contrats cumpiglian tanter oter, cha'l cumanzamaint da scoula ais a partir dals 1.avuost e na plü sco fin da qua a partir dal mais settember. Quai ha per consequenza, cha dal 2013 retira la magistraglia i'l mais avuost duos pajas, dimena la paja - sistem actual – e la paja nouva.

Il Cussagl da scoula ha decis da far quel tagl e da far maisa netta subit per evitar il fat, ch'ün magister retira la paja mancanta (nouva) pür sün quel mumaint ch'el va in pensiun obain banduna sia piazza. Quella masüra chaschuna per nos cumün cuosts supplementars da fr. 60'000.00. Cun quai va il Cussagl d'accord cun vusch unanima.

644 011 LEGISLATIVA
Fusiun dals 6 cumüns

Il Cussagl fix'il termin per ün'infuormaziun al personal cumünal sün, lündeschdi, als 19 avuost 2013 a las 17.00h illa sala cumünala Misoch.

La gruppa da proget salvarà in marcurdi, als 11 settember 2013 üna sairada d'infuormaziun per tuot la populaziun e quai ad Ardez.

645 810.501 Progets / economia forestala
Proget per promoziun da l'urogal

Tenor inventar e concepts chantunals e regiunals sun ils gods da la vart dretta da Sent (Chavrida, Traversina e Munt) importants spazzis da viver da l'urogal. La Confederaziun ed il Chantun mettan a disposiziun subvenziuns pella cultivaziun dal god per megldrar ils biotops da quist utschè periclità. Per garantir ils böts a lunga vista prevezz'il Chantun da constituer reservats cun contrats i'ls lös da grond'importanza. Il Cussagl va d'accord cul fat, cha l'uffizi da god e privels da la natüra, regiun Grischun meridional, prepara quist on ün tal proget per nos cumün, quai in stretta collavuraziun cun nos silvicultur.

646 830.365.02 Contribuziuns vi dad occurrenz
54avel Ski Meeting interbancario Europeo 2014

A chaschun da si'ultima sezzüda vaiv'il Cussagl decis da ponderar ed examinar amo sur d'ün'ev. sustegn da sponsur. El decida da spordscher i'l cumün da Sent ün'occurrenza da rangaziun o alch simil. Scha quai nun ais pussibel in ingün möd, schi contribuisch'el l'import da fr. 1'000.00 vi dals cuosts da quell'occurrenza, analog ad oters cumüns.

647 390.365 Contribuziun consistori Engiadina Bassa
Festa da las raspadas d'Engiadina Bassa

Als 25 avuost salv'il consistori la festa da las raspadas. Quel dumond'al cumün per bancs e maisas per tils pudair ev. plazzar davant la chasa cumünala (pro bell'ora). Ultra da quai dumonda quel pella sporta da l'aperitiv davart dal cumün. Il Cussagl decida d'aderir a la dumonda.

648

DIVERSAS SCHEFS

BAW / sorvagianza da sendas

Marianne Werro orientescha, ch'Armon Nuotclà ais pront da far inavant la sorvagianza da las sendas. Il Cussagl salüda quai cun satisfacziun.

Scoula / mobiliar

Andri Poo manzuna, cha causa müdaziuns da magisters bsögna quai per part da nouva mobiglia illa chasa da scoula. Il Cussagl conced'el credit necessari da fr. 2'500.00.

Chargiada da l'alp Sursass / cumün da Damal

Men Caviezel orientescha cha'ls paurs da Damal chargian lur alp e chi saja entrà l'invid al Cussagl, per sonda, als 20 lügl. Il schef dal dicasteri, M. Caviezel e l'actuar, M. Fallet rapreschaintan quel di al Cussagl.

Revisiun parziala uorden d'energia dal GR (BEV)

Il Cussagl discuta supr'ün ev. partecipaziun vi da la consultaziun in fatschenda. El riv'a la conclusiun da desister da quai.

649

ORIENTAZIUNS

Sezzüda dal cussagl administrativ da las pendicularas Motta Naluns SA

Il Capo, Albert Mayer, infuormescha lasupra. Las pendicularas possedan la parcella dal vegl hotel «Engadinerhof» ed uossa han lö trattativas urgiaintas cull'interessenza da la parcella.

650

VARIA

Suot Varia vain amo discutà supr'alchüns püts organisatorics e fixà alchüns termins.

L'actuar:
Marco Fallet

Il Capo:
Albert Mayer